

— 5 —

## V

Ha bremen, Bretoned nerhus  
Sterdet ar hou preseu ;  
Er chistr e vér é frond padus  
E garg ol hou krancheu

## VI

Petra e dal ' iaret hui d'ein,  
Ur banig chistr stanket  
A pe vé en dén é tèbrein  
Eit torein er séhed ?

## VII

Ha pe vér ér parkeu frankus  
E labourat en doar,  
Eit lakat er galon nerhus  
Er chistr e vou hemb par.

## VIII

Ean zou évaj er goaleurus  
El hani er pinùik ;  
Nen des évaj ken ahehus,  
Nen des évaj ken huék :

## IX

Ean zou goèd er guir Vretoned,  
Hemb zou n' hellant biùein.  
Chomamb fidél d'hon Chistr, pau-  
[tred,  
Mes gouiamb en évein !..



## MEN DOUS

### Aveit kerhet

## I

Neket 'n hou ti, tavarnourez  
Em es mé choéjet me mestrez ;

## II

M'em es hi choéjet tostoh d'ein :  
Ur plah koant ha plijout 'h'ra d'ein

## III

M' hé har, ha hi ne houia ket :  
Chetu er peh 'h'ra poén d'em s'pred

## IV

Mechal penaus 'vehè d'ein mé  
Dizol dehi me haranté ?

## V

M' hé guèl erhoalh ér pardonieu  
Ha d'en noz barh er filajeu

## VI

Ha pe za d'ein gout hé guélein  
Men Doué penaus hum zizolein.

## VII

Mes, allas ! p'hé guélan tostet,  
Me bleg me fen ha me huannad

## VIII

Troieu kuh héol, e ha bamdé  
G' hé seud de fetan Guirioné.

— 6 —

IX

En dé aral me lak em spred  
Monet d'inou eit hé guelet.

X

M' azi ar vordig er fetan,  
Get ur boen vras em heh inéan.

XI

En dé sen 'oen chonjet erhat  
Dizol dehi me halonad !

XII

Mes a p' hé spian é tonet  
Forh fonnus e han de guhet !

XIII

De guhet é han forh fonnus,  
Haval doh ur had eunus !

XIV

Ha touchant, skanùik hé guélan  
E évet deur ag er fetan.

XV


Hag hé lonned p'hi des deureit  
Ar hé goar d'er ger e ma oeit ;

XVI

Nezé, èl ur heh eulanig,  
Me hra en dro d'er fetanig,

XVII

Aveit ansé en hé guélet  
Ahoel esked men Dous karet...



## Sonnen Hélen

*Er verh :*

Mar fal d'oh hui men diméein,  
Ur boulanjér 'gonzet ket d'ein.

*Er vam :*

Perak enta, Hélen,  
Perak enta, me merh,  
Perak enta ?

*Er verh :*

Ur boulanjér e foet é doéz,  
Me foetehé mé just ken és !

*Er vam :*

Guir e laret, Hélen,  
Guir e laret, me merh,  
Guir e laret !

Mar fal d'oh hui men diméein,  
Ag ur bosér 'gonzet ket d'ein ;  
(*Er vam :* Perak enta...)

Ur bosér zou kri a galon ;  
P'em hemérehé léh ur lon ?  
(*Er vam :* Guir e laret...)

Mar fal d'oh hui men diméein,  
Un tavarnour 'gonzet ket d'ein ;

Un tavarnour, get é ivaj,  
Me lakehé ré de filaj.

Mar fal d'oh hui men diméein,  
Ur menuzér 'gonzet ket d'ein ;

Er menuzér get é venuiér,  
E gas safar é peb amzér.